



ALGEMENE INLIGTING

Babilu is 'n versorging- en vroeë ontwikkelingsentrum met 'n sterk Christelike grondslag. Dit word deur 'n onafhanklike eienaar, Cherie Bezuidenhout, besit en bestuur.

1. REGISTRASIE

'n Nie-terugbetaalbare registrasiefooi van R300 is betaalbaar met die aanvaarding van u kind by Babilu.

2. SKOOLFOOIE

Let asseblief op die volgende finansiële terme:

- Skoolfooie is streng betaalbaar oor 12 maande (Januarie – Desember).
- Skoolfooie word maandeliks vooruitbetaal voor of op die 1ste dag van elke kalendermaand. Indien skoolfooie nie teen die 3de dag van 'n maand betaal is nie, mag u kind toegang tot die sentrum geweier word.
- Geen ouer kan aanspraak maak op enige terugbetalings as u kind afwesig is vir enige gedeelte van die maand nie – weens siekte of enige ander redes.
- Slegs elektroniese betalings word aanvaar – geen kontant / tjeks nie.
- Gebruik asseblief u kind se naam en van as verwysing vir alle betalings
- State van u rekening sal maandeliks, per e-pos, aan u, die ouer, gestuur word.

Skoolfooie 2018

| | | | |
|---------|-----------------|---|--|
| Halfdag | (07:15 – 12:00) | - | R 1 250 per maand x 12 maande |
| Voldag | (07:15 – 17:30) | - | R 1 650 per maand x 12 maande |
| Nasorg | (13:00 – 17:30) | - | R 1 950 per kwartaal (Graad R – 3 kinders) |

3. SKOOLVERLATING

Een maand skriftelike kennisgewing word benodig indien u u kind van die skool wil onttrek. Die reël geld egter nie as u na Oktober kennis gee nie. U is dan verplig om skoolgelde tot aan die einde van Novembermaand te betaal.

4. OUDERDOM VAN KINDERS

Babilu akkommodeer kinders vanaf 3 maande tot 5 jarige ouderdom en bied nasorg aan vir Graad R tot 3 leerlinge.

5. SKOOLTYE EN VAKANSIES

Babilu is oop vanaf Maandag tot Vrydag: 07:00 – 17:30.

Kinders kan enige tyd tussen 07:00 en 08:00 afgelaai word. Die skool se dagprogram begin om 08:15. Ouers het 'n keuse om hul kind(ers) vir halfdag of voldag in te skryf. Kinders wat vir halfdag ingeskryf is, moet stiptelik om 12:00 afgehaal word. Ons vra dat ouers nie hul kinders tussen 12:15 en 14:00 kom afhaal nie, aangesien dit dan slaap- of rustyd is en die kinders nie gesteur moet word nie.

Babilu sluit stiptelik om 17:30. 'n Boete van R30 per 15 minute (of gedeelte daarvan) sal gehef word vir die laat afhaal van kinders. Indien u nie self u kind kan kom haal nie, stel asseblief die personeel in kennis van wie u kind sal kom haal. Om die veiligheid van u kind te verseker, sal geen kind aan die sorg van 'n ongemagtigde persoon oorgegee word nie.

Babilu sal gesluit wees op alle publieke en/of spesiale skolevakansiedae.

Babilu sal twee maal per jaar gesluit wees:

- 5 dae gedurende die Junie/Julie skoolvakansie
- gedurende die Desember/Januarie skoolvakansie.

6. BENODIGDHEDE

Babas (3 maande – 2½ jaar)

Maandelikse benodigdhede (hierdie items word in u baba se rakkie by die skool gelos)

- 2 pakke “wet wipes” (80 pak)
- 1 x buisie/ houer boudjie salf
- 1 x baba poeier
- 1 x tandepoeier / gel

Daaglikse benodigdhede in baba se doekesak

- 6 x weggoibare doeke
- bottels met water
(bottels moet reeds met die korrekte hoeveelheid water volgemaak wees)
- melkformule
(formule vir die dag moet reeds in melkhouers afgemeet wees / 1 blik melkformule kan by die skool, in u kind se rakkie gelos word)
- bottel met sap / tee - opsioneel
- ontbytppap, middagete en 'n versnappering vir die dag – indien baba reeds vastekos eet
- 2 x stelle skoon klere
(vir ongelukkies of indien die weersomstandighede verander)
- Fopspeen (opsioneel)

Algemene benodigdhede

- laken vir bababedjie
- kussing
- kombersie
- sonskerm
- sonhoedjie

ALLE koshouertjies, bottels, klere en linne moet asseblief duidelik gemerk wees met u kind se naam.

Kinders (2½ – 5 jaar)

- 'n klein, duidelik gemerkte, skooltassie met die volgende in:
- 'n stel skoon klere en voldoende onderklere
- 'n plastieksakkie indien daar vuil klere is wat huistoe gestuur moet word
- 'n warm trui of baadjie indien die weer verander
- 'n kosblikkie met 'n toebroodjie / peuselhappie (halfdag en voldag kinders)
- 'n plastiek bottel met water of sap
- alle items moet asseblief duidelik gemerk wees met u kind se naam en van
- 1 pak "wet-wipes" per maand
- 1 boks snesies aan die begin van elke kwartaal
- 1 houer sonroom per jaar

Nasorg (Gr R – 3)

- 1 x A4 tuiswerk-oefenboek per kwartaal
- 2 x skryfpotlode per kwartaal (word by nasorg gehou)
- 4 x toiletpapierrolle per kwartaal

7. ETENSTYE

Ontbyt in die vorm van gekookte pap sal elke oggend om 08:00 bedien word.

Om 10:00 (voldag en halfdag kinders) en 15:30 (voldag kinders) sal kinders hul kosblikkossies geniet. (Ouers is verantwoordelik vir die pak van hierdie kosblikkie)

Middagete word om 12:00 aan alle voldag kinders bedien. (Raadpleeg asseblief die spyskaart vir meer besonderhede)

Indien 'n kind allergies is vir enige van die kossoorte wat op die spyskaart aangedui word, moet ouers asseblief self 'n ekstra kosblik met gesonde kos vir middagete skool toe stuur.

Middagete word om 13:15 aan nasorgleerlinge bedien. Leerlinge wat sport bywoon sal hulle ete later ontvang. (Nasorgleerlinge se ouers is verantwoordelik vir die inpak van gesonde peuselhappies vir die res van die dag)

Drinkwater is heeldag beskikbaar. Geen gaskoeldrank en energiedrankies sal toegelaat word nie.

8. KLEREDRAG EN SPEELGOED

Kinders moet asseblief gemaklike klere dra waarin hulle met gemak kan speel en ook mag vuil word. Alle klere en skoene moet asseblief duidelik gemerk wees.

Geen speelgoed of elektroniese toestelle word toegelaat nie. Ons vra asseblief u samewerking in hierdie verband.

9. GESONDHEID EN VEILIGHEID

Ons poog om al die kinders en personeel so gesond en veilig as moontlik te hou. Geen kind wat 'n aansteeklike siekte onderlede het, sal by Babilu Kinnerkampus toegelaat word nie.

Indien u kind opgooi, diaree of koors het, word u versoek om hulle asseblief eerder tuis te versorg. Indien u kind by die skool siek word, sal u gekontak word.

Wetgewing vereis dat alle kinders, wat deel vorm van 'n instansie, soos Babilu, se immuniserings op datum moet wees voor toelating. Verskaf dus asseblief 'n volledige kliniekkarta van u kind.

In 'n noodgeval sal die nodige hulp en bystand verleen word en ouers sal onmiddellik in kennis gestel word van die gebeure.

Indien medikasie by die skool toegedien moet word, moet die volgende inligting skriftelik verskaf word: dosis, tyd van toediening, kind se naam en naam van medisyne

10. OPVOEDKUNDIGE BESOEKE

Aangesien Babilu Kinnerkampus sorg verleen aan jong kinders en uitstappies 'n hoë veiligheidsrisiko inhou sal ons besoekers kry aangaande ons temas wat by die skool sal plaasvind. U sal skiftelik in kennis gestel word van sulke moontlike instappies/besoeke.

11. DISSIPLINE

Kinders word deur positiewe aanmoediging en beklemtoning van korrekte en sosiaal aanvaarbare gedrag gelei. Hulle moet leer om saam te speel en ook met maats te deel. Lyfstraf word geensins toegedien nie. Indien 'n kind onaanvaarbare gedrag openbaar, sal die kind uit die groep verwyder word vir 'n afkoelperiode. Indien gedragsprobleme voortduur sal dit met die ouers bespreek word.

Die eiendom van die skool en ander persone mag nie beskadig word nie. Ouers sal vir die skade, wat deur die kind aan sodanige eiendom veroorsaak word, verantwoordelik gehou word.

12. OUERBETROKKENHEID EN PERSOONLIKE AFSPRAKE

Gebeure in 'n kind se huis en omgewing het 'n groot impak op hulle gedrag. Lig asseblief die personeel in oor enige traumatiese gebeure tuis sodat ons die kind kan bystaan en help, indien nodig. Alle persoonlike sake sal as streng konfidensieel beskou word.

Moet asseblief nie huiwer om 'n afspraak te maak met Mev. Bezuidenhout indien daar enige vrae of kwessies aangaande u kind is nie. Sodoende word moontlike probleme of misverstande so gou moontlik uit die weg geruim.